

682.823
092-
:2(A)

豫河續志

陳善同題

卷十八



豫河續志卷十八

附錄第八上

豫河自滎澤以下始有工有工者設分局置汛隊一切規畫興作之事叢集之而滎澤以上若甚漠然者其實非也民國七年內務部呈准河務局暫行辦法第三條河務局管轄該省境內之黃河及其他有關係之河流則雖未設分局置汛隊之處所凡有工程興作暨與本省境內河務有關者皆秉筆者所宜從事也惟既不屬於上述各門又不能以類相屬則各綜其原委使之自成本末條而列之謂之附錄而前哲名言與士夫所論述者並及之雖耳目淺狹撻採無多或加刪節要亦可以得其大凡也

鞏汜修隄之案

民國八年十二月河務局長吳質孫呈省長奉訓令鞏縣紳民宋經裕等呈河洛爲災民不堪命公懇設法補救以祛水患似亦持之有故惟所請從邙山頭築壩辦法是否可行仰該局查勘明確從長核議等因遵即令委購石處處長劉葆珂會同鞏縣知事毛龍章確勘具覆茲據會呈查洛河由偃師入鞏本係自西而北至土地廟溝復折而東經神隄七里鋪等處至洛口入黃前清光緒年間黃河南圈七里鋪一帶灘地塌陷遂由神隄入黃原稟所稱擬於邙山頭築挑水壩導河北行一節履勘所請築壩地點係在上游裴峪地方距神隄尙有十餘里之遙河勢向靠邙山行走築壩能否挑使北行殊無把握且關係北

岸工程似非統籌全局不可至現在治洛辦法前蒙令委水利會吳技士查勘籌議沿洛築隄呈奉核准自應仍照前案辦理惟該處人民連年被災此項隄工力實未逮可否酌予補助俾易經營職局覆查南岸黃河現靠邛山行走實係天然保障而溜勢湍激斷非一壩之力所能挑使北行且迎溜建築工程浩大藉使能資挑托而北岸溫縣新隄勢成頂衝防禦尤難設有疏虞則武陟原武一帶均屬可危況洛水自神隄入河非伊朝夕而推其致患之由實因河身淤墊向無隄埝山水暴發容納未能非盡關黃河頂托也原稟擬請築壩挑河北行不知河即外移而洛口沙淤宣洩更屬不易再四籌維所請築壩一節諸多窒礙應毋庸議惟洛水頻年爲災自不能不急籌善後前經

該縣會委呈准築隄誠爲切要之圖擬令該縣趕速估辦此項工程雖不在河防預算範圍之內而該縣連年災歉民力維艱一俟估定數目再由職局設法撥洋五百圓以資補助俾速告成

民國十年五月河南省長張鳳臺訓令據溫縣公民鄭惟思等以圖私築壩逼水禍鄰公懇飭禁等情具稟到署當以鞏縣修壩是否與該縣有害即經分飭鞏縣溫縣會勘議復再行核奪在案又據孟縣公民宮樹棠等以與水爭地以鄰爲壑請飭鞏縣取消築壩等情由郵具稟前來查此案前經鞏縣紳民宋經裕等呈請到署當即飭據該局以查明原請築壩一節諸多窒礙現擬仍照築隄辦法令由鞏縣趕速估辦等情呈復在案茲

據前情究竟鞏縣築壩與孟溫兩縣有無妨礙合仰該局查明
原案核議飭令孟溫鞏三縣遵照

是月又訓令案准陝西省長劉箇電開年來洛水爲災嵩邙兩
岸屢成澤國民國七年鞏城全沒縣知事奉令築隄防患當集
鞏民悉心考察緣昔年洛水經鞏城東北流二十餘里至洛口
驛入黃其間地勢窪下且距嵩邙兩岸稍遠洛雖漲不受黃激
向無泛濫之虞近年黃流逼刷嵩邙峽口洛過城數里陡北折
而入黃受其盪激一遇漲發黃倒灌洛故治洛必先治黃擬於
邙陰築一石壩使黃稍遠嵩邙峽口庶洛得循故道入黃以澹
嵩邙兩岸沈災嗣因乏款迄未舉辦今春鞏民稟奉河洛道尹
酌撥豫西賑款以工代賑興築此壩未悉已否開工茲聞夏初

即溢將熟之麥盡付漂流困苦情形不堪言狀我公關懷民瘼請飭河洛道尹轉飭鞏縣知事促鞏民趕成壩工早弭巨患希賜核示查此案迭據鞏縣暨溫孟二縣紳民稟呈當經先後令飭核議在案准電甫因合即令仰查明前案核議具覆

又訓令據鞏縣公民馬公琇等由郵稟稱查敝縣黃河南岸裴峪口請修石壩以維現狀一案前將縣境受害事實及修壩爲保全現狀起見與溫縣並無損害情形詳細縷陳早經洞鑒茲見孟縣公民宮樹棠等以與水爭地以鄰爲壑懇請取消築壩等情赴轅具稟批發河務局核議公民等憤激填膺尤難緘默合將鞏壩與孟縣關係分晰陳之查鞏縣邙山被黃河衝刷過半瞬將籬籬盡撤大地陸沈推原禍始實受孟縣挑水壩之害

今鞏不控孟孟反控鞏混淆是非顛倒黑白豈非以吾鞏受禍
爲未足耶苟有良心何忍出此是不可不辨者一也鞏縣趙溝
處孟縣下游而裴峪尤在趙溝之東二十餘里距孟縣殆四十
餘里今在裴峪築壩對岸係屬溫縣不惟修順水壩與孟縣無
害即修挑水壩亦與孟縣無干如風馬牛之不相及而冒昧具
稟竟誣稱在趙溝築壩殊屬有意朦蔽是不可不辨者二也原
稟謂光武墳壩成孟境南半盡塌入河須知光武墳在孟津境
內今且繼長增高工程未竣乃置孟津於不問而惟吾鞏是侮
張冠李戴自欺欺人是不可不辨者三也原稟固無辨論之價
值惟旣朦稟鈞轅批發河務局飭縣會勘糾葛愈多工程稽遲
轉瞬伏汛大作地方糜爛誰司其咎公民等與敝縣數十萬人

民休戚相關豈容輾轉貽誤爲此繪圖具稟陳情伏乞迅賜救濟等情查此案迭據稟呈先後飭令核議茲據前情合併令仰議覆

七月河務局長吳質孫呈省長奉訓令據溫縣公民鄭惟思等以圖私築壩逼水禍鄰又據孟縣公民宮樹棠以與水爭地以鄰爲壑各等情飭即核議具報查此案先於民國八年十一月奉訓令據鞏縣紳民宋經裕等呈河洛爲災民不堪命公懇設法補救以祛水患等情令即勘議具覆遵即委員會縣查勘經職局核明該紳民所請於邙山頭建築挑水壩導河北行如果此壩築成則北岸溫縣新隄頂衝設有疏虞武陟原武一帶均屬可危請毋庸議惟洛水頻年爲災不能不急籌善後仍照該

縣會同水利會吳技士前議沿河築隄辦法由縣趕速估辦並由職局撥洋五百圓以資補助呈奉指令照辦旋於本年四月據鞏縣知事毛龍章電稱黃河南岸築壩當由上海工賑協會勘定已允撥款興修以工代賑請速派員會勘當即令委購石處處長劉葆珂前往會縣查勘旋據呈復該處河身較寬距北岸約十五里餘邀集紳民會議僉稱不致貽害北岸隨據溫縣公民鄭惟思等以築壩禍鄰公懇嚴禁又據孟溫河務分局長韋福謙轉據縣紳朱啟運等十人呈稱借賑築壩嫁禍鄰境各等情先後到局正核辦間奉令前因遵即轉飭孟溫鞏三縣知事迅速會勘又奉訓令陝西省長簡電請促鞏縣趕成此壩早弭水患飭即查明前案議復茲據鞏縣知事毛龍章呈稱會同

溫縣知事汪松蔭在縣境裴峪口地方逐加履勘黃河緊靠邛山行走邛山之北已成懸崖猶有舊時民居窰底形迹甚至山南樹木可立山北望見足證邛山崩壞並非虛語修壩自衛實爲要圖惟挑水壩恐影響及於北岸若順水修壩似與溫縣無害乃汪知事回縣邀紳協商未予贊同而屬縣士紳以禍已切膚萬難束手待斃至孟縣公民宮樹棠等稟謂鞏縣邛山頭與趙溝口之壩成則河水反射等語查所擬築壩地點係在裴峪並非趙溝趙溝在孟縣下游而裴峪口則在趙溝之東二十餘里對岸係屬溫境與孟無關原稟殊屬誤會又據溫縣知事汪松蔭呈稱會同勘得南岸裴峪面黃背邛該處一帶灘地雖屬較低而邛山懸崖峙列恃爲天然屏障其河之北岸即係溫

縣西之小營口一望平原僅有前築矮薄土隄今鞏縣紳民擬於裴峪口建築斜式石壩一道上自西南山頭下抵東北河中計長二百餘丈使水北流不惟溫境土隄有潰決之虞即上下游隄工恐亦被其牽動當與毛知事一再熟商共籌兩全之計詎因款借他山殊難變更原議擬請飭鞏暫緩修築以順輿情而免河患各等情先後具稟職局長覆查鞏縣黃河現在緊靠邛山行走北岸距河尙遠固係實情惟現擬建築長二百餘丈之大壩能否不致挑溜北行北岸工程有無妨礙河流變遷靡常實屬毫無把握一則謂使水北流溫隄有潰決之虞一則謂禍已切膚萬難束手待斃雖雙方均持之有故而案已月餘迄未解決事關利害似宜從長計議以免貽禍將來職局長再四

籌維可否請飭諮詢省議會公決之處伏乞鑒核示遵

十月河務局長吳箕孫呈省長查鞏縣邙山頭築壩關係民生安危至爲重要亟應詳加審慎以免貽禍將來惟查兩岸紳民所呈各節與地方利害實有莫大之影響現在省議會既經開會理合提出議案呈請鈞署咨交公決以昭慎重

民國十三年一月鞏縣知事李廷璐呈河務局奉訓令案據溫縣公款局長任良能等以該縣紳民馬公琇等攔河築壩逼水禍鄰公懇派員往勘飭即停止等情呈訴到局查此案前於民國八年據該縣紳民宋經裕等呈請擬在邙山頭修築壩工當經飭據該縣會委勘明呈覆嗣因溫鞏兩縣紳民互相爭執迄難解決呈請省長諮詢省議會公決在案茲據前情仰該知事

迅將馬公琇等現在所擬修壩究竟是何情形詳細查明據實呈覆遵即轉令中區區長王澤南查覆據稱詢據馬公琇等聲稱溫鞏兩縣實爲黃河流域其在順軌時代溫南鞏北兩岸均有居民廬舍而田地尤多自黃流遷徙無常鞏溫兩岸受患維均是其初無所謂壩也嗣孟縣於北岸先築小金隄溫縣又西接小金隄向東築一長隄綿亘數十里勢若虹繞並由前河防局長呂撥發官款爾時鞏縣紳民並無出而干涉者且喜能驅水自衛可爲墾殖民之先導吾輩將來可仿照而行特鞏地瘠民貧措資爲難民國十年上海華洋工賑會聞鞏連年水災甚巨邑城屢灌壞居民田廬人畜無算派委查勘同官締棄舟至邛山下見河勢橫溢邛山一帶衝激場崩心甚惻然謂鞏縣

水患悉由黃河泛濫杜塞洛流之所致不亟築隄束水使其順軌輦之水患將長此終古矣擬即撥洋四萬元修順岸長隄束水中流庶河歸正道其法誠爲至善不意溫民不恕竟具稟阻撓事乃中止查乾隆五年輦溫二縣會詳撫院批定輦溫黃灘界址輦得地一百十餘方里合田一千零四十餘頃乾隆八年詳准撫院批定輦孟黃灘界址輦得地六百餘頃均有舊冊縣志可查就現況而論輦民築隄自衛原欲土地還我固有與溫何涉乃竟妄控構釁豈公理乎查前代治河歷史築隄防水原非上策然自此策既行鮮有但築一岸之隄竟聽一岸缺然者現在此項工程正在預備就裴峪村開厰鑿石原係隄工以順河東水爲宗旨並非壩也等情轉報到縣理合據情呈覆鑒核

是月河南省長李濟臣訓令據河北道尹陳炬呈稱據溫縣公款局長任良能等呈稱黃河自西北而來至潼關以東折入豫境南北兩岸均有大山夾峙是以豫西各屬向無河患下至鞏溫之交南岸則仍恃邙山以爲屏障北岸則地勢窪下土質鬆軟近數百年來北岸因河流變遷水患時間南岸自鄭州以上儼若銅牆鐵壁實無工程之可言溫境河流自光緒二十六年至今歲歲坍塌無法防堵每年值伏汛喫緊之際大溜衝射沿河村莊俱被塌陷迄民國三年經呂前河防局長呈准中央撥款修築溫境隄工西接孟縣小金隄東迄汜水河口迤北因沿岸俱係沙土隄基尙未鞏固孰意南岸鞏縣近有一班姦黠流氓馬公琇孟慎齋等假公濟私借以工代賑名義於民國十年

春間在上海騙募華洋義賑會款四萬圓意欲緊靠沿河修築石壩三座西壩在鞏城西北裴峪溝口中壩在鞏城正北七里鋪山下適當洛河入黃之衝東壩在鞏城東北鞏汜之交洛溝口現均勘定壩址三壩方向俱係西南東北斜綫形西壩入水約計三里有餘目下正在鳩工拋石其餘二壩俟明春開凍亦必次第動工窺其用意原在逼水北滾搬出山外地畝以便耕種夫北岸地居窪下若遇險工或有修壩之必要今南岸河靠山流居高臨下修壩之舉不在北而在南是不啻決山水以灌溝壑也當民國十年冬間伊等即已運石動工後經河北孟溫武各縣人民及汜水紳董奔走呼籲羣起抗爭各憲會派委勘查不直所爲勒令停止未遂所欲今伊等又在縣中組織壩工

會收斂錢文規定出錢若干異日准種灘地若干竟不稟明軍省兩署暨河務局私自動工似此貪種地畝以鄰爲壑實無人道若不速令停工則此壩告成激湍怒波洶湧北趨西壩所挑之水勢必破隄而過直奔溫城中東兩壩所挑之水北岸無隄可防一瀉千里不惟溫境南部東部數百村落盡成澤國而河流從此不能順軌兩岸隄工一牽百動恐下游沿河各縣無日不在洪濤巨浪中也迫懇轉詳各憲飭鞏縣知事強制馬公琇等即日停止壩工則河北數百萬生靈永感拯溺普渡之大德矣等情正核辦間又據武陟縣紳民鄭信之等二十六人呈稱近聞鞏縣馬公琇孟慎齋等擬於嵩邨山下分築三壩其工程計畫第一壩以裴峪口西番光廟爲起點預計修長六里第二

壩以洛河口東七里鋪爲起點預計修長五里第三壩以鞏汜
交界鑰匙溝爲起點預計修長三里現在積極進行觀其自治
築壩局布告略云德河歸北岸所出之地分三等納捐頭畛二
畛每畝出洋三角三畛四畛每畝出洋二角五畛以下每畝出
洋一角窺其計畫非爲防河實爲爭地在伊等私心自爲得計
而北岸濱河一帶無數生命財產頃刻順流而下所不計也且
三壩旣成河流勢必北趨温武以下險工必至迭出而京漢鐵
路河橋亦必大生變動是該處此舉不特貽害於鄰封並有害
於國家其患之巨實有不堪設想者紳等利害切身特聯名籲
懇轉呈層憲將鞏縣築壩迅賜停工以惠民生而維河務並據
温縣公民職治武等五十二名呈同前情先後前來道尹查河

洛道所屬之鞏縣在黃河之南山高土厚素無水患河北道所屬之武陟溫縣居黃河之北地窪土鬆險工屢出故於孟溫武原之間設有河務分局專修隄工以防河患茲據溫武兩縣紳民分呈所稱鞏縣紳民擬於嵩邨山下分築三壩其長或五六里或三里不等若三壩告成河流勢必北趨不但溫武一帶河防可慮且於黃河鐵橋亦有防礙況鞏縣所設自治築壩局其佈告有云使河歸北岸所出地畝分有三等抽捐是爲自便私圖不顧貽害鄰境所請停止壩工係爲預杜河患起見除批飭該紳民等從速繪圖貼說以備詳加查核俟送到時另文轉呈外理合鈔錄各呈具文呈請鑒核轉飭河務局派員前往會同鞏縣知事勘明各壩如於北岸有害即行從嚴禁止以重河防

而全民業等情又據鞏汜公民代表馬公琇等以築隄防患一勞永逸稟明備案郵呈前來查此案前據任良能等具呈業經令飭查勘並錄案呈復在案茲據各情合檢原鈔呈件並鈔馬公琇原呈連同圖冊仰即查勘明確一併詳擬呈復

是月河務局長陳善同呈直魯豫巡閱使吳督理河南軍務張河南省長李奉訓令據溫縣公款局長任良能等以鞏縣馬公琇等攔河築壩逼水禍鄰懇請令飭停止等情令即查勘明確並將辦理情形錄復呈奪又奉訓令據河北道尹陳炬呈據溫縣各機關又武陟縣紳民鄭信之等以鞏縣馬公琇等貪種灘地築壩害鄰等情先後來控道尹爲預杜河患起見請飭河務局勘明禁止又據鞏汜公民代表馬公琇等以築隄防患等情

郵呈前來令即一併詳擬呈復查此案先於民國八年十一月奉省署訓令據鞏縣紳民宋經裕等呈河洛爲災民不堪命公懇設法補救以祛水患等情令經職局核明該紳民所請於山頭築壩應毋庸議仍照水利會前議沿河築隄辦法由縣估辦並由職局撥款五百圓以資補助民國十年四月據鞏縣知事電稱黃河南岸修壩由上海工賑協會勘定撥款興修以工代賑請派員會勘等情旋據溫縣公民鄭惟思孟縣紳民朱啟運等以築壩禍鄰公懇嚴禁各等情先後赴省署呈訴令即查案議復旋奉訓令准陝西劉省長箇電請促鞏縣築壩早弭水患飭即查明前案議復吳前局長因雙方爭執迄難解決遂將此案呈准提交省議會公決茲於民國十二年十二月據溫縣

紳民任良能等以鞏縣紳民馬公琇等攔河築壩等情呈訴到局隨經令據鞏縣李知事覆稱該紳計畫係順河築堤束水並非修壩等情當以所擬辦法核與任良能所呈不符復委下南分局長王郿職局技術員沈炳成會同鞏溫兩縣知事查勘並令召集兩縣紳民妥議辦法呈候查核各在案奉令前因即轉飭該印委等詳查明確會同雙方妥議具報隨據孟溫分局長謝寅亮呈據溫縣公民趙讚等五十二人以築壩病鄰懇請嚴禁並稱近聞鞏縣馬公琇等擬於嵩邙山下分築三壩其工程計畫第一壩以裴峪口西番光廟爲起點預計修長六里第二壩以洛河口東七里鋪爲起點預計修長五里第三壩以鞏汜交界鑰匙溝爲起點預計修長三里三壩密邇排列水勢必至

逼抑激成反動力斜線向東北流奔温境首當其衝又據武陟
知事王祖德呈據公民鄭信之等二十六人以築壩驅水貽患
鄰封公懇轉請嚴禁並稱鞏民名爲防河實爲爭地不知因爭
地而築壩使大河盡歸北流彼多種灘地猶屬小事但恐北岸
濱河一帶以及下游數百里居民之生命財產將盡付之東流
前途危險令人寒心又據武陟原武陽武孟縣封邱獲嘉延津
等七縣紳民張耀辰等呈訴馬公琇等私築石壩逼河改道遺
禍民生妨礙橋工各等情嗣據鞏縣知事李廷璐呈稱會同王
沈兩委員暨紳民馬公琇等前往築隄地點逐加履勘該處河
身甚寬距北岸約十五里餘據馬公琇等所述興修形勢係一
順水土壩外加以石純爲收束河身起見距離北岸旣遠實與

溫縣無害原呈謂攔河築壩殊非事實又據溫縣知事周士森呈稱遵查此案前據公款局長任良能等具稟當經據情轉呈一面由知事派員馳赴南岸詳細調查據稱鞏紳馬公琇等因於民國八年修築壩工未得如願遂糾合灘民收斂錢文並未稟報開山運石在邙山之下沿河私自修築石壩業已動工以冀挑水北趨移害鄰封正擬前往會勘間適王沈兩委員來縣隨即會同召集紳民親赴北岸查得沿河一帶地勢低窪每遇伏秋汛內河水漲發附近村田廬舍往往被淹近數年來河流逐漸北滾北岸日形坍塌已屬禍燃眉睫現在南岸如果修壩水勢必向北趨沿河村莊恐難保存且目下大溜距蘇莊僅止數丈之遙以致沿河居民大爲恐慌紛紛逃避無日無之知事

目覩情形良深焦灼儻鞏縣壩工告成河身北滾前修土隄斷難保存一旦潰決不惟溫境數萬生命財產盡付東流卽武陟以下數縣勢必皆成澤國爲患之巨匪可預計是以閤縣紳民異常忿激極端反對知事忝司民牧休戚相關萬難安於緘默又據委員王廓沈炳成呈稱委員馳赴鞏縣會晤知事李廷璐並先期函約溫縣知事集紳會議當卽會同李知事暨紳民馬公琇等前往裴峪口築壩地點逐一履勘查有壩基三處一處係依山根作基餘二處係築土作基三壩基每基相距約二里許現正運石修築嗣後由東站鎮起沿河踏勘以迄雙槐樹是時溫縣周知事未經來鞏會勘委員卽渡河赴溫會同周知事士森召集紳民履勘北岸一帶所有兩岸考察情形除由鞏溫

兩縣知事分別呈復外蓋兩縣紳民意見各執均走極端相持不下已非一日誠非片語所能解決察看情形惟有仍飭兩縣知事相機設法雙方調停庶幾漸趨和平藉息爭執各等情局長覆查鞏縣黃河現靠邨山行走恃爲天然屏障本無築壩之必要前因雙方爭執難籌兩全之策呈請提交省議會公決今鞏縣紳民馬公琇等於案未解決亦不呈明遽擬於裴峪口連築斜式土石壩三道上自西南山頭下抵東北河中此壩若成水必北滾則溫縣新築土隄及歷來著名險要之武陟攔黃埧原武月石壩等處工程勢必被其牽動設有疏虞不獨河北十數縣均成澤國即直東等省亦蒙其災事關數省安危審度不可不慎再四籌思可否仰懇令飭該縣轉飭先行停工再懇令

飭河北陳道尹河洛山道尹會同局長親詣該處確切勘明公同酌議辦法以昭慎重

三月河務局長陳善同呈省長案奉指令以據職局呈查勘溫縣紳民任良能等呈控馬公琇等攔河築壩等情一案所請令飭河北陳道尹河洛山道尹會同親詣勘明酌議辦法之處係爲慎重河工起見仰候分行該兩道遵照即由該局長訂期咨會親詣勘明妥議公允辦法等因遵即函約陳道尹炬由道尹升堂同於三月十日馳抵鞏縣十一日赴裴峪口即該縣紳民築壩之處上下履勘山路崎嶇異常難行即由該處北渡至溫縣境之蘇莊地方沿河東行逐段祭視十二日自溫渡河回鞏原擬由洛口逆流而上藉勘洛河形勢乃風雨大作舟行困難

日暮始抵神隄當即舍舟登陸步行察勘十四日由鞏赴洛業將大概情形繕具節略會同陳道尹面呈在案伏查鞏縣城池地本窪下歷年被水情殊可憫推厥原因每當夏令城之西南山洪暴發勢若建瓴遂致橫溢至洛河口積沙淤墊黃洛交漲兩相頂托亦不免宣洩未暢鞏縣紳民於裴峪地方現築之壩已成壩基二三丈斜向東北其附近山根新闢石塘數處專備興修未據呈送計畫書擬修丈尺不能確定該處河勢自上年秋汛後即見外移閃出嫩灘東西約長十餘里查非現築之壩所挑若再因勢利導逼溜北趨直射北岸蘇莊一帶該處地本沙鬆溜勢北滾存灘日見坍塌不惟溫汛一線單隄斷不可恃即下游武陟原武等縣勢必舊工新生關係實非淺鮮局長權

衡輕重河傍南行尙有山可憑依溜果北趨則沙隄難資屏障
雙方利害不辨自明應請嚴令鞏縣轉飭該紳民此項工程暫
且停止靜候解決該縣邛山坍塌地畝衝陷本係實情自應勉
籌防護之計要使有裨於鞏無害於溫擬令於裴峪口以下緊
抱各山山腳挨次遞取直線作順水隄只准內彎不許外凸其
形勢亟應委員測勘擬定標準飭鞏遵辦不得更易又據鞏紳
面懇擬於神隄東首建一順水壩但於對岸工程亦恐致生變
化昨奉面諭另派測量人員前往測驗乞一併飭勘或酌籌疏
濬洛口之法庶幾兩縣俱無妨礙

五月河務局長陳善同呈省長案奉指令呈圖均悉修築該壩
致啟紛爭解決方法務期有益於鞏無害於溫並於黃河南岸

工程均無妨礙方屬妥協仰候函知測量局迅派測量人員會同該局切實測繪仍由該局長按照此次會勘所得實行秉公監修以息爭端遵即令委技術員陳鳳銜會同陸軍測量局委員李松筠楊峻峰前往鞏縣測繪茲准函開鞏縣裴峪口沿河一帶形勢業經勘明繪製詳圖逕送鈞署查此案前經局長會同陳道尹炬勘明擬議解決方法以挑水大壩斷不可行擬令自裴峪口以下臨河一帶各就山腳逐段取直順水築隄只許內彎不得外凸於北岸既無妨礙而鞏邑亦稍獲灘地之益擬請飭令鞏縣轉飭該紳民馬公琇等遵照辦理至順水築隄工程浩大非一時可觀厥成應由該縣知事督飭紳民妥議辦法擇要分段逐漸修築隨時呈請查驗以收實效

六月河務局長陳善同呈省長奉訓令案據測量局呈送鞏縣
裴峪口沿河形勢詳圖合行令仰查照測繪圖式秉公監修仍
將監修情形隨時報查等因遵即令委吳盈青前往監修以昭
慎重

漢陵壩工案

民國二年七月河防局長馬振濂呈覆民政長奉訓令據孟津縣請添石防護漢陵壩工等情據呈該縣鐵謝鎮紳董謝步雲等呈購備石方修補壩工所請委員勘估之處應候令行河防局酌核辦理以重修防惟既據聲稱添購備防石方情形似不可緩應准先就縣庫存儲河工節省款內動支銀五百兩作爲辦石之用以免貽誤工需仍督同沿河紳民人等相機妥籌防護務保無虞等因遵即令委孟縣支局長鄭有璋前往勘驗茲據查覆該處上游新工一百七十丈俱係邊溜漫水壩埽均極整齊似尙無虞惟下游舊工長七百五十丈壩埽六十二處其中自二十壩至三十三壩俱係頂衝大溜壩場壩埽已十有餘

處亟待拋護至少亦需石二百餘方再該段所存備碎石雖有五百餘方均在上界而下界不過數十餘方若伏秋大汛水勢漲發奔騰澎湃不免仍有蟄動之虞非添購備石不足以應將來從少估計亦需石三百餘方兩共約應添辦石六百方等情查孟津縣河工旣護漢陵兼關人民生命亟應添購石方綢繆未雨前奉鈞批先就縣庫河工存款動支銀五百兩約購石二百方段長工鉅似尙不敷分布然際此物方艱難於先事預防之中仍不能不力求擰節擬再添購二百方共四百方堆積該處舊工下段以資拋護較之孟縣支局長所估六百方之數實減二百方總期款節工堅無糜無誤以副慎重河防之意至購石之款仍在孟津縣庫存儲河工節省項下動支再河工修防

事宜必主持得人始克收效查孟縣河防支局長鄭有璋熟悉河務擬即委派該員就近會同孟津縣知事督率沿河紳民辦理購石拋護事務尅日興工

七月河防局長馬振濂訓令孟縣支局查漢陵壩工前經該支局長勘估應添購備石六百方當經本局擬定除已購二百方外再添石二百方共四百方委令該局長就近馳赴孟津縣會同該縣知事督率沿河紳民辦理購石拋護事宜並呈報民政長在案茲奉批答據呈請添石防護漢陵壩工等情再添石二百方應即照准至購石之款仍就孟津縣庫存儲河工節省項下動支仰即轉飭孟津縣知事督率沿河紳民相機拋護務期款節工堅無糜無誤是爲至要合即令仰該支局長遵照

九月河防局長馬振濂指令孟津縣知事孟縣支局長據會呈開局收石日期並動用舊石拋護壩工等情查該工爲古帝王陵墓所在防護自宜周密所擬先用舊石拋護以應急需一面將所買新石堆存以防後患自是正當辦法應行照准惟國庫維艱修守緊要石價運費堆拋夫工均應據實開支不得蹈沿舊習稍涉浮冒堆儲石方務求豐實萬勿插花架空致干查究十月河防局長馬振濂批孟津縣知事孟縣河防支局據呈漢陵壩下段石壩蟄動可否再添購石方並請派員驗收新工等情查購石四百方旣經收訖而石價運費堆拋夫工及一切開支亟應呈報至添購石方價出何項亦未據呈明殊屬含糊前飭動用庫款一千兩該處石價頗廉購石四百方尙應有節省

之款即以所餘儘數購買石方仍將方數石價並前一切開支核實從速呈報候委驗收勿再遲延干咎

十二月河防局長馬振濂呈覆民政長案奉訓令據孟津縣知事呈稱據卑縣鐵謝鎮紳民謝耀祖靳清文等呈稱緣陵工下游一帶地畝雖非膏腴之田亦民間生命之利益往年黃河大溜沿北岸而下該處水勢緩漫尙無大損本年夏秋之交上邊北河大水越灘而過直瀉東南以致大壩以下第十七埭適當其衝大溜所經疾風秋葉自工尾至下首大王廟後牆確計三百丈此中正爲危險之區沿岸塌陷日甚一日觸目慘心不忍言狀儻不思患預防轉瞬之間桃汛即來河伯肆虐誰能禦之而民間生命財產之關係恐一旦歸於烏有紳等同公勘估該

處約需有四十石垛方資保護用銀總需六千兩之譜爲此公
懇轉詳前來知事覆行查勘該處爲陵工下游沿岸日日塌陷
實屬危險理合據情呈請鑒核並祈轉飭河防總局派委勘估
可否發金接修石垛以固陵工兼蘇民生等情仰即便查核辦
理等因查黃河南岸自滎澤以上山嶺綿亘無異長隄歷年均
無修守工程亦未設立局營孟津縣鐵謝鎮因漢陵所在前曾
築護石壩工尾以下距村漸遠且與陵寢無關向未議修工程
該紳民等所稱塌陷地畝雖屬有關人民生計惟河防預算河
工款項均有定額現值財政支絀緊要工程尙多議緩例外建
築何暇包荒應請飭令該知事就近籌辦以保民田或由司庫
另撥款項發交辦理是否有當恭候鈞裁

民國六年四月河防局長呂耀卿呈覆省長前奉訓令據孟津縣知事蔡中燮呈據鐵謝鎮紳董謝耀祖等稟請撥款修補壩埽防患未然等情令即飭委勘估議覆核奪等因遵即飭委下南分局長王郟前往會同該縣詳細勘估茲據呈稱勘得該處河身裹臥形同偃月上自周口村起下至大王廟止計長五里有餘水勢三折上段當漢陵之後中段則該鎮寨堡實當其衝下段直注趙村蔣家莊一帶率皆河流迅急注岸如射且復年餘未經加修故所在石腳壩埽蟄制堪虞就中最爲喫緊之工固以第一排水壩第二十七壩新大壩后陵磨盤壩等處爲尤要而十八壩至二十六壩及二十八壩至三十一壩諸工亦屬緊要爲該處民生財產萬全計自以全功畢舉爲宜惟需款浩

繁現在河防預算減額籌撥匪易當於帑項民生雙方兼顧再
四籌維極力從減估計酌擬購石一千五百方以一千零六十
方就上開尤爲要緊各處分別加拋俾資抵禦此外情形較緩
之處但就舊存石方目前尙可支持惟河流遷變無常若不先
事預防將來設有險工恐難咄嗟立辦擬以四百四十方合之
原存舊石一千二百五十五方接壩分堆藉備緩急至石方價
值詢據該鎮紳董聲稱前次舉辦陵工石價運費堆拋各工一
併在內係以每方合銀二兩二錢計算查核檔案相符現擬均
仍其舊統計各壩應拋應備共需石一千五百方以每方銀二
兩二錢計共需價銀三千三百兩實屬力從樽節無可再減繕
具估摺呈請核示等情職局長伏查孟津漢陵工程本不在河

防範圍以內預算未列此項經費從前每遇拋修均係另案請款委員辦理職局長曾屢往該處勘驗各壩埭鱗次櫛比堅實高整足資捍衛該縣紳董爲保存下游田廬起見屢次呈請加修雖於民國四年兩次拋辦不過應該紳董之請求其實漢陵工程並無應修之必要也現值厲行減政之際以核減之餘款辦理職局所轄之工已屬左支右絀何暇再行兼顧但奉飭前因事關民瘼又未便漠然置之茲於無可設法之中勉爲變通之計擬購碎石六百方擇要加拋所需方價銀一千三百二十兩擬請在職局五年度積料餘款改辦石工項下通融撥給俾應要需以副保衛民生之至意

九月河防局長吳箕孫呈省長奉訓令案據孟津縣知事呂效

忠呈報據縣屬鐵謝鎮經理漢陵壩工謝耀祖等呈稱河水暴漲沿岸漫溢自新大壩以下至工尾之大王廟一片汪洋廟宇房屋已有衝塌附近田禾廬舍亦間有被淹水勢變遷莫定沿岸多被衝刷岌岌可危寨東護岸石三百丈大半衝缺上崖坍刷日甚縣治東南數村及縣城地址距河均不甚遠若不及早修護深恐陵工下游之壩坍卸險象有不可勝言者等情知事當即親詣察勘新大磨盤兩壩被水衝壞不少其餘沿岸壩埽寨東護岸石懸被衝擊缺口甚多濱河一帶禾苗房屋間有被淹人口無恙大王廟牆垣亦多衝塌等情仰即勘明核議選令遵照等因查此案先經職局長委派職局科長俞迪初前往查勘據稱該處向無隄工祇有壩埽護崖保護漢陵及附近各村

本年自夏徂秋河水來源極旺又值霖雨兼旬山水下注以致新大壩磨盤壩及石垛護崖均被刷塌瀕河之大王廟西廂後殿亦被衝塌等情並據該知事呂效忠以河水漫溢壩垛衝刷暨大王廟塌卸情形估計需石一千八九百方呈請發款購石修護等情當因該處工程不在預算範圍以內本年四月間呂前局長應該紳董之請求撥銀一千三百二十兩令購碎石六百方擇要加拋本屬勉事通融現值厲行減政之際又在工作繁多之時以應領之款辦應辦之工已屬左支右絀露肘堪虞兼顧統籌實爲力所不逮而事關民瘼又未便概置漠然當即指令該縣督同紳董先將護崖石三百丈擇要估計呈候核辦其新大壩磨盤壩應就原有壩基設法保護不可再行接長以

免挑溜北趨致孟溫又出險工更滋糜費至大王廟工程職局亦難兼顧應由縣設法捐修等情在案茲奉前因除俟覆估到目再行呈報外已委員勘明擇要估修合先具文呈覆

十月河防局長吳箕孫呈省長案奉指令據職局呈報遵令勘明孟津縣鐵謝鎮壩埽各工被水衝塌擬估工款請鑒核示遵一案蒙指令孟津縣壩埽各工既據派委勘估計需銀二千七百五十兩仍由該局餘款項下撙節動支如實有不敷再行呈候設法補助等因查職局預算各款惟五年度石方項下尙可通融挹注茲擬在該款內照數動支俾速興工而資捍衛第由省領款遲赴工次未免多費周折擬請將該工用款即由孟津縣在應解庫款項下就近撥發將來仍歸職局應領五年度石

方價內扣除以免領解之煩除咨會財政廳外理合呈請轉令該縣迅速照數籌撥俾資工用

民國九年四月河務局長吳質孫呈省長奉訓令據孟津縣知事段錦文呈請核飭撥款購石補修壩埽等情令即查核具報等因查此案先據該縣具呈到局正核辦間奉令前因遵即令委孟溫分局長段繼武前往會同該縣詳細履勘茲據呈覆詳勘各壩埽處處著河其最關緊要而塌卸特甚者惟二十七壩二十八壩暨三十二壩新大壩等查二十七壩上首以下塌卸十丈有餘二十八壩上首以下塌卸六丈有餘該兩壩正在鐵謝寨之西北角不特於該鎮寨有密切關係即於后陵亦遙作屏障之勢又查磨盤壩實爲后陵之保障尙屬完固惟該壩以

上之三十二壩及以下之新大壩又爲磨盤壩之左右翼若該兩壩無恙則可保全磨盤壩即可保全后陵惟查三十二壩上首以下塌卸四丈有餘新大壩上首以下塌卸十丈有餘竊以該處工程原爲保護漢陵起見此四壩於后陵極有關係不能不略施修補其餘壩埽均尙完全擬將該四壩共估加拋碎石三百方等情職局長伏查孟津縣鐵謝工程本不在河務範圍以內預算並未列此項經費從前每遇拋修均係專案請款委員辦理民國六年因該縣紳董請求加修於工程款內勉購碎石六百方目下工程款奇艱自上年八月以後應領經費及料石各價財政廳欠撥甚鉅左支右絀本屬力難兼顧但事關民瘼又未便漠然置之茲於無可設法之中勉爲挹注之計擬請在八

年度石方項下通融撥給俾應要需

民國十年三月河務局長吳箕孫呈省長奉訓令案據孟津縣知事聶思溫呈據屬縣壩工局經理謝耀祖呈稱河水南侵中段石壩可危南坐大灣如下弦偃月之形第十四壩至二十六壩二百六十餘丈實居漢陵之背大溜所注最爲喫緊查民國四年與六年兩次撥石一千六百九十五方補修六百七十餘丈石壩自第一挑壩至新大壩大小共三十四壩各在案去年呈請補修僅撥石三百方將新大壩及二十七二十八三十二等壩略加修補其餘喫緊之處並未加拋片石各壩塌卸大改舊觀將來水勢洶湧釀成巨患貽害不知胡底又寨東護岸三百二十七丈民國七年補修時添順水壩三處每壩拋石一百

方惟大王廟一壩關係甚鉅比年水勢下趨直射東南若不添拋石方使水勢折向東北則壩東悉成澤國可否將此壩加石三百方以資捍衛等情仰即查核具復等因查此案昨據該縣知事具呈到局當以現在款項支絀財政廳應付工款延欠甚鉅黃沁兩河應辦工程業已完全停頓該紳所請購石拋修漢陵壩工現實無力兼顧應俟款項充裕再行核辦等情指令在案茲奉前因伏查此項工程不在河務範圍以內職局預算未列此項經費自民國四年起至九年止因該工關係重要由職局先後四次撥給銀五千一百餘兩購石拋修均經呈明在案彼時廳庫撥款尙少延欠故可勉爲挹注茲自上年四月迄今應領各款拖欠至三十餘萬之多應辦各工現均無從布置桃

汛瞬臨河流日旺庫如懸罄焦灼實深惟漢陵壩工事關民瘼職局既無力兼顧可否仰懇飭廳另行籌款拋修擬俟職局經費稍可周轉再行估辦伏候核示祇遵

六月省長張鳳臺訓令據財政廳呈稱案奉令聞據河務局呈稱奉令核議孟津縣知事呈壩工蟄卸請添石補修一案因無力兼顧仰懇另籌拋修等情飭即遵照籌修等因當以該縣前未分呈無憑核辦令縣抄送原呈備核旋據該縣抄呈到廳詳查原呈請修各工從前均經河務局購石拋修有案當然仍由河務局設法籌修至河務局所稱困難之點原因應領各款拖欠過鉅之故現擬就河務局欠領經費趕速籌撥以濟要需其孟津縣一段各壩工即由該局查看確情照舊拋修庶幾工程

不廢而款目亦清等情除指令查豫省黃沁兩河最關緊要察核該廳所擬辦法尙無不合仰即遵內務部先後來咨趕速設法籌撥以濟要工並候令行河務局督飭拋修以重宣防外合行令仰該局遵照

八月河務局長吳箕孫呈省長案奉訓令據財政廳呈孟津縣壩工現擬就河務局欠領經費趕速籌撥照舊購修等情令即督飭拋修等因遵即令委孟溫分局長翟福謙會同孟津縣知事鞏思溫親詣鐵謝鎮逐段查勘查得十五十六兩壩及二十一至二十四等壩自民國四年兩次撥石拋修後迄未得添購加拋各壩間多蟄卸實已不堪支持且該處爲陵工中段水勢洶湧衝刷堪虞自非及早修補不足以資抵禦茲據最少數估

計約需碎石四百方每方庫平銀二兩二錢共計銀八百八十兩六七六八折合銀圓一千三百圓零零二角三分七釐其餘各壩尙可支持值此庫款奇絀之際似可暫從緩圖等情職局長伏查孟津縣鐵謝鎮工程本不在河務範圍以內頻年購石加拋均於工款內設法挹注年來應領經費及料石各價財政廳欠撥甚鉅本屬力難兼顧但奉令仍由職局督飭辦理自當勉力籌維該員所擬酌購碎石四百方擇要修補應需石價一千三百圓擬在九年度預算石方項下通融撥給俾應要需

民國十一年七月河務局長吳質孫咨財政廳案查敝局前據孟津縣知事林裕燾呈查勘鐵謝鎮漢陵壩工請款補修等情當於本年四月咨貴廳請就委員會勘拋修該項壩工約需石

方價洋一千三百圓即在敝局九年度預算石方項下令飭孟津縣知事就近撥付壩工局以資修理現在壩工情形異常緊要所有應撥之一千三百圓尙未飭撥無憑著手進行目下復值大汛臨邇該項壩工修理未便再延且敝局應領之九年度石方價昨已截算清晰另文咨請將餘款飭由武溫兩縣分撥此項移撥之拋修漢陵壩工一千三百圓仍係九年度預算石方項下之款自應趕緊飭撥以清款目務希迅即填送孟津縣撥九年度石方價一千三百圓通知書一紙俾便加填總收據令縣照撥並希將撥款憑證逕發該縣照章抵解

十三年六月河務局長陳善同呈省長案查民國十年三月奉訓令以孟津縣知事請添石補修壩工等情令即查核飭遵等

因當經議由職局九年度石方項下撥洋一千三百圓購辦碎石四千方擇要修補十一年八月始據該縣呈明此項經費業已如數撥付當經指令趕緊拋修並迭次限催各在案本年五月據該縣呈報應辦石方已陸續裝運完竣隨令委孟溫分局長康昌第馳赴該縣會同驗收權機拋護茲據該印委等呈稱業經會同親詣工次眼同壩工局經理驗明該工十五十六二十一至二十四等壩共堆新購碎石四千方數目相符並經察看水勢悉心會商以河溜變遷靡定瞬息伏汎各壩有無變更尙難逆料擬先按六成拋護酌留四成以備緩急已督飭加拋完竣等情除指令該縣督同紳民認真保護並將餘存石方妥慎堆儲一面察看河勢情形隨時呈明拋護外理合呈請鑒核

原书缺页

銅瓦廂案

考銅瓦廂地屬河南蘭陽縣境

嗣蘭陽與儀封兩縣合併名蘭儀縣又因避清宣統帝諱改稱

蘭封

謂之蘭陽汛三堡自清順治元年黃河自復南流故道蘭

封一帶係屬要工處所歷年修堤築埝防守甚謹至咸豐五年六月十九日蘭陽汛三堡銅瓦廂地方決口改南流爲北趨即現今河道之所由來而實乃漢代千乘入海之故道此最近黃河變遷之一大關鍵也當是時黃河奪溜北趨下游正河斷流口門寬七八十丈水患及豫直魯三省而魯爲尤甚自署理河道總督蔣啟敷至下北同知趙熙文及其他文武官吏皆被嚴譴當命繼任河督李鈞河南巡撫英桂直隸總督桂良山東巡撫崇恩會同查勘並派前山東巡撫張亮基周行三省親歷勘

辨旋經查明黃河漫水經由處所及被災各州縣並由何處入海情形先後具疏會同覆奏畧稱黃水由蘭陽汛三堡口門先向西北斜注淹及封邱祥符各縣村莊再折向東北淹及陳留杞縣儀封考城並直隸長垣等縣各村莊行至長垣縣屬之蘭通集溜分兩股一股由趙王河下注經山東曹州府迤南至張秋鎮穿過運河一股由長垣縣之小清集行至東明縣之雷家莊又分兩股一股由東明縣南門外下注水行七分經曹州府迤北與趙王河下注漫水彙流入張秋鎮穿運一股由東明縣北門外下注水行三分經茅草河由山東濮州城及白陽閣集遂家集范縣迤南漸由東北行至張秋鎮穿運會成一股決五空橋統歸大清河直達利津牡礪口入海利津口即漢千乘故

道也時值秋水盛漲漫口處所亟須盤築裹頭以免再行刷寬前經蔣啟敷等興工廂護因料物不齊且河水陡長隨廂隨塌東西兩壩相距已有一百七十餘丈當經撙節估計約需銀三萬餘兩倡率各屬捐銀一萬五千兩其餘由蔣啟敷及失事各員分別賠繳尅日購料接續前工至被災地面河南則封邱祥符陳留杞縣儀封考城等六縣直隸則長垣東明開州等三州縣山東則曹州濮州范縣壽張聊城陽穀兗州泰安濟南武定蒲台霑化惠民濟陽海豐商河陽信濱州荷澤定陶曹縣單縣城武金鄉等處泛濫極廣受患尤鉅均經先後籌款分別賑卹當是時軍務未平庫帑支絀未遑即籌堵塞奉旨令設法疏消因勢利導使橫流有所歸宿爲目前切要機宜遂經張亮基條

陳三策一曰順河築埝二曰遇灣切灘三曰堵截支河咨由李
鈞等代奏原奏已詳前志奉旨依議著該督撫等督飭辦理以
蘇民困此銅瓦廂決口後查勘籌辦之大概情形也時國家庫
帑既耗殫於軍需實無餘力爲堵塞決口規復故道之遠圖故
不得不因勢利導而爲此暫救目前之計此殆天時人事之使
然抑陵谷變遷固地道之常耶而況北流之議乾隆十八年江
南銅山決口之後孫嘉淦實力主之至四十六年青龍岡決口
嵇璜復倡其說卒皆格礙不行至是而其言果驗雖其時督臣
疆吏或有爲漕運關係議復南流者頗不乏人而終皆空言徒
託難見實行於是民埝漸次修築河槽日益淘深而穿運入海
之今河道以成其曩時南匯淮水由雲梯關入海之淮徐故道

遂廢自是厥後河道既經北徙銅瓦廂舊隄即不在河防官吏管轄範圍之內廢置失修者六十餘年而臨河各縣如開封蘭封陳留封邱以迄直隸長垣居民田廬恒受漫溢之患民國十年六月封邱蘭封等紳民提議修築攔河隄埝以資捍衛請河南災區救濟會

此會係開封美國聖公會所設後改名華洋義賑救災會

捐輸鉅資以工代

賑十一月河務局委員勘定隄線南自舊隄西壩頭起北至直隸太行隄止共長四千五百六十丈十一年三月河南督軍趙倜省長張鳳臺會令河務局據災區救濟會報稱開封蘭封陳留封邱等縣自銅瓦廂口門以下上下四十餘里素無隄工沿河居民屢受黃水漫溢之患前據各該縣先後請撥賑款築隄以工代賑當經本會委工程師前往測量此項隄工若能修築

有成沿岸數百餘村均受莫大之益現擬不日開工特恐無知
愚民藉端阻撓殊於工賑有礙請分電各縣會同彈壓等情除
分電各該縣遵照並由本署委員前往會縣辦理外合即令仰
遵照遴派熟悉工程二員前往會同各該縣切實照料俾便施
工七月災區救濟會函稱銅瓦廂隄工現自第一段至七十三
段大半均已完工惟亦間有未滿一丈者經工程師勘估一律
補足一丈尚需洋六千元因會務亟待結束此項工程請由貴
局代辦昨蒙俞允特將經費六千元填具支票希即查收而河
務局長吳箕孫旋經辭職以此項工程既未著手原款交還九
月復經主教懷履光提議銅瓦廂隄工尚有多半未修亟應廣
續辦理以竟全功繼任河務局長鄧長耀委員覆勘所需經費

尙多不敷而蘭封縣紳馬景驊本係原案發起之人忽又聯名反對以新修隄綫防礙民田懇請免築迭經委員會縣詳細查勘改定路綫十二年三月河務局長陳善同呈省長以蘭封縣改修隄工民意既尙不一致允宜詳加討論惟此項修隄經費係出自友邦資助嘉惠窮黎以工代賑不得視爲調劑純屬義舉更無利益可言豈能任聽要求遷延不決茲再令委康昌第孟廣瀛前往該縣會同該知事召集公正紳耆秉公籌議不得再有反覆旋據該委員呈覆以新隄路綫准仍由該工七十三段爲起點所佔地畝並取土損及麥苗酌給地價津貼共銀洋一萬元與該縣紳董公同討論即爲最後之表決促即撥款興修以期救災實惠早日及民並由該知事取具該紳等切結連

同說明書一併呈繳旋即委派承修監修各員刻日興工四月馬景驊等又以擬修隄工將屆麥秋有害民食懇恩免築迭次呈訴不休五月局長陳善同呈省長以蘭封縣銅瓦廂接修新舊隄工該縣紳民意見未能一致要求反覆層出不窮當經派員會同該縣知事召集紳民復行妥議並赴華洋義賑救災會開會討論公決隨經局長將該工分爲六段委員分段承修復加派原勘路綫職局技術員吉善等前往幫同分定段落促即興工旋據該員等回省面稱委員等馳抵工次將應行修築各工分途舉辦乃因近日河水陡漲舊隄臨河土塘被水淹沒形勢多有變遷背河土塘亦被水佔去三分之一取土甚形窒礙且新隄路綫內有純沙一段無土可尋工尾復有三百六十餘

丈係爲直省所轄界址未清似未便冒然動工而被圈河內之
各村莊對於新築隄綫仍多反對始終視爲切膚之痛頗多怨
言況該處連年歉收今春淫霖雨澤麥苗滋秀布滿田疇忽因
取土挖傷雖有津貼究屬得不償失是以人民一再瀆請其情
不無可諒且現在節逾穀雨轉瞬麥熟購辦地畝原議由該縣
知事督同紳耆承辦目下尙未著手即使辦理迅速難免種種
糾葛約計總須半月方克丈量清楚而時間迫切深恐貽誤事
機擬具說明報告書並迭據該縣河西三十六村莊人民馬遴
選等稟稱改築隄工民害難堪懇請免築等情到局局長復查
該員等所陳各節委係實在情形且此項工程既非臨黃險要
刻不容緩者可比況近日溜勢已向外移將來河水漫灘已有

前隄攔護當不致如曩時之漫無限制足可保衛田廬所擬修築新隄似可暫從緩辦以順輿情旋經省長張鳳臺交由華洋義賑救災會核覆緩辦前領該會賑款一萬元備以酌償麥苗地價者復由河務局派員如數繳還而兩年以來所經營籌畫之銅瓦廂西壩頭隄工至此遂暫爲結束矣

蘭考串溝之案

民國十三年一月河南省長李濟臣訓令河務局據直隸大名道尹兼河務局局長張昌慶稟稱職局所轄直隸黃河南岸閭潭范莊兩段小隄南與考城縣圍隄接壤北與職局南一汛大隄相連查自考城縣圍隄起以及閭潭范莊兩隄之前向有大串溝一道緊逼隄根以行復有小串溝數道由大串溝通接大河近年以來河勢漸向東移每當伏秋大汛河水更番陡漲大河洪流分灌於各小串溝匯注於大串溝直撲隄身且河身河唇淤澱日高而大串溝迭經刷深愈形窪下一經河水灌注勢若建瓴加以串溝容量較小宣洩不及以全河之水側注串溝之中遂致停蓄抬高每遇大河之水迭漲至五六七尺時該串

溝之水即抬高至八九尺及一丈以上兼值西風大作挾溜狂
趨高揚二三尺湍激洶湧甚或揚及隄頂而該隄既極單薄又
土性純沙致遭六年十年並本年漫溢之患昌慶親赴各串溝
詳慎察度力圖挽救當經率同東明長垣兩縣知事南岸分局
長召集各串溝附近紳民剴切勸諭令其各出民夫將各串溝
上口分別堵塞認真修防業已一律堵竣並遠涉河南考城蘭
封兩縣境內各串溝處所與該處附近居民講求勸說告以此
項串溝關於閘范兩隄既受無窮之害對於考城閘隄本年亦
幾有漫決之虞防患未然宜早籌備該居民等亦僉稱願堵串
溝以鞏全局惟民夫之召集堵防之辦法胥賴縣署督率進行
方能觀成持久素仰鈞座愛民情深恤鄰誼重項已繪具圖說

備文呈請王省長轉咨鈞署懇賜令行考城蘭封兩縣知事勸諭紳董督飭民夫將兩縣境內各串溝上口分別堵塞隨時防修永弭水患非特昌慶藉免隕越感幸靡涯而瀕河億兆生靈有生之日亦莫非戴德之年矣等情查所稟各節究與考城蘭封兩縣河防情形有無滯礙仰即遵照查明飭辦

四月河務局長陳善同呈省長案奉訓令據直隸大名道尹兼河務局長張昌慶稟直隸黃河南岸閻潭范莊小隄與考城閘隄接壤隄前向有串溝請令考城蘭封兩縣知事督飭民夫分別堵塞等情飭即查明與考城蘭封河防有無滯礙等因遵即令委陳蘭分局長鄭有璋會同考城縣知事張之清蘭封縣知事傅巖查明議覆茲據會呈查得蘭封境內黃河素無隄岸每

遇伏秋盛漲輒易漫溢出槽向東十餘里係直隸長垣縣界在
長垣東明境內者有閘潭范莊小隄一道在考城境內者有圈
隄一道皆因地居下游豫防水患近歲河身淤澱日高水勢愈
趨愈猛隄土含沙不耐衝激以致時有潰決原稟稱蘭封境內
有串溝三道如能堵塞可無水患不知該處全是飛沙土性極
鬆水來則衝激成溝水退則沙又填沒茲經邀集考蘭兩縣紳
董會商堵塞據云堵塞串溝祇救一時之急若水大漫溢一望
浩瀚即平地尚深四五尺串溝填平無益於事欲防水患非築
隄不爲功去冬十二月考城縣首事劉襄虞等因下游築隄上
游喫緊提議考蘭兩縣修築隄埝經知事之清知事巖會勘因
工大費巨中止本年二月蘭封三四兩區紳董汪洪勳等又申

前請經知事巖呈奉省長指令詳細估計此工自老家廟西頭起至馬蹄村北三里許與直隸交界止計六十七段共長二千六百八十丈隄高八尺底寬三丈頂寬一丈二尺每段四十丈用土六百七十二方共四萬五千零二十四方現時料物昂貴每方以銀洋五角計共需二萬二千五百一十二圓擬請飭廳酌撥一萬圓下餘由地方紳民向華洋義賑會息借以七釐行息三年歸還於三月十三日繪圖呈覆分局長等詳察河勢如能將新隄修成不但下游東明長垣等縣永弭水患即考蘭兩縣沿河居民亦不致年年被淹若僅堵塞串溝伏秋水漲一經衝刷仍復如故分局長有瑋暨知事之清知事巖等爲慎重河防永弭水患起見以修隄爲根本大計知事巖旣陳明在前仰

豫河紀志 卷十八
三
懇轉呈省長併入前案核辦屆時動工召夫知事之清前與考
城紳董會商亦可酌幫民夫共成盛舉等情查所陳蘭封長垣
交界地方黃河串溝頻年爲患若僅堵溝口尙非根本之圖擬
就該處修築隄埝估需工款銀洋二萬二千餘圓據呈所擬辦
法已經蘭封縣知事傅巖呈明鈞座應否准如所請理合據情
轉呈鑒核示遵

五月河務局長陳善同呈省長案奉指令據職局呈遵令委查
直豫交界黃河串溝情形查前據蘭封縣呈修築民埝以工代
賑勘明丈尺土方等情當以該縣上年尙係有災區域籌辦工
賑原爲救濟災民起見與專辦防災者有別業經指令候函交
華洋義賑救災會酌量核撥其不敷之數由地方自行籌補所

請令飭財政廳撥洋一萬圓一節現值省庫奇窘未便照准等語在案茲據聲稱蘭封修築此項民埝係屬根本大計是此案與前准直隸省長咨請轉飭蘭考兩縣堵塞臨河串溝有密切關係近復據大名張道尹以閭漳范莊兩隄已由直魯兩省籌款十三萬餘圓大加修築即日興工所有考城圍隄及蘭考兩縣臨河串溝並請轉飭分別修堵等情亟應趕爲修築以期三省一致進行惟此項隄埝旣爲必要工程華洋義賑救災會究能撥款若干現尙未據函復其不敷之款地方能否如數籌補抑或必須由省庫補助之處應由該局迅速核議呈奪再查來呈僅稱修築蘭封隄埝究竟考城圍隄應否同時興修未據聲敘並即查明復奪等因遵即轉令蘭封縣知事先將串溝堵塞

以禦汎漲一面妥籌築隄辦法免滋貽誤茲據該知事傅巖呈稱此案前准直隸省長來咨及大名道尹來電所注重者在屬縣臨河串溝及考城圍隄前請修築隄埝保爲一勞永逸之計今直隸閭潭范莊兩隄已開工大加修築自應遵令先將屬縣臨河串溝堵塞一面籌議修隄免致遲誤刻已諭飭該區紳董定於本月六日開工堵塞臨河串溝合先呈請轉報再現准考城來咨該處西隄已於本月一日動工合併陳明等情除指令督飭堅實堵築並將修隄事宜迅速籌備外理合呈報轉咨再考城圍隄工程已令飭該縣知事趕緊修培矣合併陳明是月又呈省長據蘭封縣知事傅巖呈稱境內臨河串溝於五月一日興工堵築業經呈報在案知事旋赴該處詳細查勘直

省原文所指在屬縣境內者有串溝三道前會同委員鄭有璋查驗時此溝因風沙播颺早已漫平現經該紳民等復於各處加土加礮一律竣事惟查河身連年淤墊高與地平一遇水漲四散而出有溝無溝無關利害知事召集紳董會議僉謂此項隄埝若不乘時修築則伏秋汛內黃水暴漲考城之圈隄及直省之長隄胥居下游咸受其害如將此隄修築完固北與直隸新修未竣之隄工銜接一勞永逸可恃爲三縣之保障第工程浩大前估需銀洋二萬二千五百一十二圓實屬減無可減願地方財力支絀旣不能完全擔負而華洋義賑會究能撥助若干至今亦無明決之表示值此伏汛將臨直省已籌款興工我豫若不急起直追共同一致鄰省旣有責言而沿河數萬之災

黎亦永無救濟之一日知事與各村紳董迭次磋商擬變通辦法查此隄計長二千六百八十丈原估頂寬一丈二尺底寬三丈今擬就隄取土內外土塘以兩丈計共寬五丈估民地二十二頃三十三畝三分三釐由藺陽三四兩區大小四十五村莊一律派夫按戶出了富者出資貧者出力約計兩月或可竣事然所估之地類多貧戶賴此生活一間修隄相顧失色固不能以少數阻止公益而災餘子黎亦應分別體恤藉資補助擬請由省庫酌發銀洋四千圓作爲地價擇其孤貧地少被估者均勻核發其地多或係富戶均不在資助之列所有一切工程即責成四十五村各村長及各區首事酌派民夫分段認修自備資具官爲督率事竣之後酌量請獎如此變通可以一氣呵成

庶不致多所扞格等情查此案昨奉訓令華洋義賑會已允息借款項令即轉飭該縣會商妥訂辦法等因遵經轉飭遵照在案茲據呈稱迭與紳董會議擬將前估隄工由各村派夫興築係爲亟圖捍衛起見似屬可行惟估用民田請發地價一節查河工築隄估用民田向無發價之先例且此次擬築隄綫原在舊日大隄之內本係臨河灘地更無給價之理但該縣災歉之餘沿河居民多屬貧苦所陳亦係實情可否准由省庫補助銀洋四千圓以惠窮黎之處伏候鈞裁至原呈就隄取土內外土塘以兩丈核計一節查取土例應距隄十五丈以外最忌傍隄挖取土塘並須留土埂格子蓋恐雨水停積致傷隄根且臨河方面近隄取土易爲大溜衝激掣溜成河水難外出爲患甚大

自應於距河較遠之處取土以免後患除指令遵照外理合據情呈請鑒核

六月河務局長陳善同呈省長案奉訓令據考城縣知事張之清呈擬築口門以除水患請飭撥助六千圓以資興修等情前據呈報修築西隄業經指令在案茲擬援照七年修隄成案由河務局節存工程款內撥助六千圓一節候令飭河務局委員會同勘估明確核議復奪等因查此案前據該知事呈報到局當以填墊口門工程浩大需款過巨且蘭封新隄正擬興築考城圈隄亦已修培此項隄工應否緩辦如果必須築做亦應先將積水設法疏消再行施工方足以資鞏固隨即令委陳蘭分局長鄭有璋前往會同勘估茲據該印委呈稱遵即會同親赴

西隄詳細履勘查該隄在考城縣西八里許座落蘭封境內古
自袁寨四門堂之間銅瓦廂東西舊隄起迤北入直隸長垣縣
境與閻潭范莊之隄相銜接計長五里許前清光緒二十年六
月間該隄南段水漲衝決經前任周令錫曾稟請撥款就口門
西面修築圈隄一道祇以土性鬆浮不能持久年年歲修勞民
傷財民國七年知事之清署理任內呈前省長令前局長勘估
撥助錢一千五百串餘由地方籌捐將該隄全部修築完整至
十二年再署考城夏間伏汛水漲圈隄幾至崩潰幸搶護得力
同時長垣縣二分莊決口該隄幸保無虞現在西隄全部暨該
圈隄雖經知事之清藉資民力一律加高培厚但自華洋義賑
會於黃河西面修築臨河新隄一道閻潭范莊之隄又復大加

修培蘭封新隄開工無期瞬息伏汛水漲西岸無處宣洩自必
逼近東岸西北風起回流衝刷波濤洶湧較諸往年兩岸排洩
水勢平穩者情形迥然不同該圈隄雖修築完整祇以向西突
出首當其衝實難抵禦形勢異常險要萬一汛期出險全縣盡
成澤國爲未雨綢繆之計自宜堵築口門以圖永久無如工程
浩大需費尤鉅估計土方需款一萬餘圓稽料青杉以及挑挖
引河疏消積水尙不在內地方匪歉類仍本年二麥減收民力
異常竭蹶此次修隄悉出民力統共用錢八千串之譜以後修
築口門勢難再行攤捐際茲公款奇絀分局長知事奉令會勘
目覩險象又不能稍涉疏忽茲經悉心審查另擬鞏固圈隄抵
禦狂瀾辦法以期費省而害除蓋口門工程過大積水亦深不

易疏消莫如將圈隄築砌堅實以免水患惟該處距河較遠鄰近無山取石不易祇可用甄廂砌免被衝刷丈得該圈隄南北計長一百八十五丈再廂兩頭隄根共長二百丈自地平以下先築根腳四尺上與隄頂砌平一丈二尺共高一丈六尺按兩層計算需甄五十萬方石灰五萬觔上料共計需錢一萬四千串合銀洋七千圓較之堵築口門節省實多且築兩層新甄全用石灰鈎砌異常堅固不遇非常災變萬不致被水衝決雖籌款萬分爲難分局長與知事反覆籌維仍擬上下兼顧但籌一分之民款可節一分之經費所有已經修隄各村概免攤捐由知事另向各富紳竭力勸募約可勸捐二千圓其不敷之五千圓實屬籌無可籌伏汎在即隱患方深寢饋難安惟願早竣一

日之巨工庶全縣生靈早受一日之保障知事爲民請命開具
勘估隄工經費清摺呈請垂念民溺堪恤懇由節存工程費項
下如數撥助俾得早竟全工等情查所擬將圈隄堅實砌築自
屬正辦惟河工拋護甄石向係就隄跟拋從不用灰膠砌誠以
河底純沙易於下蟄膠砌堅實隄根轉易搜淘應飭令該縣仍
照向例辦理至估需工款七千圓請由局補助五千圓一節查
此項工程本不在職局範圍之內七年撥助該縣工款錢一千
五百串亦係設法挹注並非預算內應有之款年來廳庫積欠
甚鉅支絀異常歲修應辦工料均難如額購辦本屬力難兼顧
但事關民瘼亦未便恣然置之自當勉力籌維擬請在職局十
二年度預算石方項下通融酌撥銀洋二千圓餘由該縣就地

籌捐以濟要需候奉到指令再行咨廳撥款

九月河務局長陳善同呈省長案奉訓令據蘭封縣知事呈該縣修築民隄一案現與華洋義賑救災會接洽妥協借到大洋二萬圓俟秋後即行動工請予備案等情飭即查案核明飭遵具報等因查此案前據該知事呈稱擬變更借款計畫由臨隄各村派夫修築並請酌發地價由省庫撥款四千圓以資補助等情呈准令經會同財政廳核議具覆在案奉令前因當以該縣現與華洋義賑救災會訂立借款協約而前議派夫修築辦法暨請款酌發地價各節均未據呈明廢止究竟應用何種計畫有無借款之必要當經令行該知事查明議復茲據蘭封縣知事傅慶呈以該縣前擬酌撥民夫修築隄埝並請撥款酌發

地價一案委因隄工重要且其時伏汛已屆設有水漲辦理爲難故擬請款撥夫及時動工早日蕪事乃日久未奉核准行知而黃河暴漲臨河地畝多被淹沒當地紳民迫不及待遂徑向華洋義賑會接洽商訂借款二萬圓回縣報告知事鑒於財廳撥款既不能定而隄工重要又不能長此遷延致滋貽誤當經赴洛面稟借款情形奉諭從速辦理不得久延遵即回縣偕同負責紳首訂立借款合同函致該會訂期成交並請該會工程師測定隄綫旋據覆稱現時水漲無常不能工作所有測綫交款一切手續應緩至秋後八九月間方能酌定茲奉前因遵復邀同會議僉謂撥款派夫以目下時勢論實有兩種困難一則秋禾被淹各村壯丁均出外謀食一時召集不易二則夫少款

緝儻動工後不能一氣呵成設有停頓前功盡棄有此困難情形仍以借款計畫爲最適宜前呈撥款一節應請取銷以免兩歧等語知事復查確係實情除函復華洋義賑會從速測綫交款外理合據實呈請轉呈等情查該縣修築民隄既經集紳會議派夫撥款認有種種困難自應准予適用借款計畫俾免停頓而收一氣呵成之效至該知事前請撥款補助一案經職局會同財政廳核議擬請由華洋義賑救災會將所存修築銅瓦廂工款內借撥一節現在計畫既又變更則前議自難適用擬懇准予取銷以免兩歧理合具文呈復伏候鑒核示遵

滑縣老安隄案

民國四年十一月河南河防局局長呂耀卿飭滑縣知事案查該縣所管老安隄一道昨本局長親往查勘水溝浪窩所在皆有且第一土壩亦有坍塌之處雖現在河勢相距尙遠而不得不預爲籌備合行仰飭該縣迅赴該隄一帶切實勘估所有水溝浪窩以及坍塌土壩共需土方夫工若干核實分別繕具詳細估摺詳候核辦

又詳巡按使案奉飭開本月六日承准政事堂封寄國務卿面奉大總統諭據濮陽河工督辦徐世光呈請籌防黃河一案議將直東豫三省民埝酌歸官辦等語查豫省民埝若概改歸官辦事實究否便利經費應增若干擬請飭下直東豫三省巡按

使即派委員會同籌度嗣又迭奉飭知會議地點及日期並直東委員銜名各等因遵即於十一月一日行抵道口鎮會同直隸大名道尹何炳庠山東上游河防局局長王經燦妥爲籌議因各省情形不同辦法互異彼此交換意見仍須各就河勢工程情形相機修守定議後職局長當即馳赴滑縣勘得該縣有老安隄一道係前清光緒十二年間由官發款修築上自與直隸長垣交界之桑園口入境起下至與直隸濮陽交界之小渠集出境止計長二千三百八十丈頂寬三四丈底寬七八丈高八九尺不等光緒十五年二十五年及宣統三年曾經歷次撥款修培並添築土壩三道該隄距河八九里至十二三里不等向係官修民守而離河較遠多年無工察看形勢尙不至有意

外之虞若遽改爲官辦不但歲糜國帑亦且無事可爲似乎非計之得不若暫仍其舊如果將來河勢變更再由該縣隨時詳請辦理至該隄隄身以及第一土壩間有殘缺之處已由職局長飭令該縣核實勘估詳明培修所需工費擬由職局在本年度預算工款內量爲拮注不再請款以省周折

民國十二年一月河南省長張鳳臺訓令案准直隸省長咨開據直隸黃河河務局呈稱查直隸黃河北岸第一汛長垣官隄以下及第二汛濮陽官隄以上隔有河南滑縣民埝一段名曰老安隄計長一十三里有奇向歸滑縣自行修守該隄處濮陽上游萬一有失則濮陽以下官隄悉成虛設前大名道尹姚聯奎任內曾咨商河南河務局請其設法修守以維全局道尹兼

局長接任後履勘各工深以此隄爲慮復經兩次呈請轉咨河南省長令行河南河務局妥籌辦法或歸官民共守或歸官督民修務須嚴訂章程實行防守並由職局逕咨河南河務局一再籌商在案近年以來雖由河南河務局令行滑縣官民加意修防而該縣紳民亦因身家所關隄防爲重將殘薄隄段間爲修補究以民力有限勢難切實培修近來黃河溜勢漸向北趨且隄前有大小串溝一道洶長垣第一汛以上起經過滑縣民隄直達濮陽第三汛申殿河口直長八十餘里緊逼隄根以行而大小串溝之外復有小串溝八十餘道直通大河每屆伏秋汛漲黃河洪流既漫灘內注太行積潦復建瓴下趨以及各小串溝之水悉匯集於大串溝水勢擡高至八九尺以上八九十等年

長垣濮陽兩隄險要隄段迭生巨工滑縣民隄雖地勢稍高亦不免時出滲漏現在長垣濮陽河隄已改官民共守分年培厚增高獨中隔滑縣十餘里之民隄長此無款無兵聽民自由修守竊慮黃河溜勢險變靡常且河身淤澱日高隄身衝刷日薄一隅有失全局皆非殊不足以策萬全而維久遠況從前濮陽雙合嶺決口幸有金隄爲之後障河流不致北趨現今隄因無款失修類多殘缺萬一臨黃之隄或有失誤則河南滑濬直隸濮陽各縣既同受巨災儻金隄再有不守其爲患更不堪設想道尹兼局長既職守攸關自應統籌全局預謀久安以期無負重工愛民之至意近年以來因直隸黃河北岸改歸官民共守滑縣紳民見官守責成既專實有利益屢有津貼經費歸直代

守之謀惟事關全縣各鄉紳民中其明曉利害贊同代守者固居多數而不願籌款希圖苟安者亦不乏人以致諸多阻滯久議無成然該隄關係過鉅無論如何修守必須有一定辦法方免後患擬請再咨河南省長令行河南河務局必須妥籌善法詳訂章程以固河防而鞏全局等情查此案前據該局長呈以滑縣一段民隄關係重要請轉咨飭縣加培並於汛期內遴員派夫督守等情於十年十二月間暨十一年四月間咨請飭辦在案茲復據該局長呈請各節實於兩省沿河各縣均關切要相應咨請查照轉飭籌議辦法等因查此案迭經直隸省長來咨均經飭令該局核辦茲准前因合行令仰迅速查案酌核辦理

二月河務局長陳善同呈省長案奉訓令准直隸省長咨據直隸黃河河務局呈以滑縣老安隄關係兩省安危年久失修飭即籌辦具報等因查該縣隄工向係官修民守雖距河較遠惟河勢變遷靡常且有串溝多處抱岸而行苟非趕緊估修設有疏虞事關全局爲患何堪設想惟此項修隄經費向係特別請款不在職局預算範圍以內且近年工款奇絀廳庫欠發過鉅以應領之款辦應辦之工尙虞不足實無餘力可資兼顧而事關兩省工防應否仿照山東成案每年由縣酌籌款項交由直隸河務局代爲看守以一事權抑或另籌防護之策以固隄防遵即遴委任用分局長陸文注前往會同該縣知事詳細履勘集紳籌議具覆旋據該印委等呈稱知事等會同召集紳耆親

請履勘該隄自清宣統三年培修後迄今歷十餘年之久衝刷
殘缺處處低薄亟應修築以防水患當與該紳耆等詳議辦法
茲據紳耆尙葆源等聯名稟稱查老安隄計長十三里有奇南
自長垣縣桑園村起與長垣官隄相接北至滑縣小渠村止與
濮陽官隄相接自清光緒十四年十二月發庫款銀八千五百
餘兩創修此隄至光緒二十六年五月加修撥銀六千兩以工
代賑宣統三年六月因河流西衝隄工喫緊添築土壩三處發
庫款銀一萬六千餘兩均有案可稽確係官隄並非民埝原咨
所謂民埝民隄者想係隔省傳聞之誤惟該隄歲修向無專款
每屆伏汛即由縣署派員酌撥官款到工搶險不過竭力防堵
以救眉急與長垣濮陽專員專兵常川駐守者實不可同日而

語相形見絀無可諱言况該隄年久失修隄身低薄紳等曾於
民國十一年二月稟懇前縣長據情轉呈請委勘估加修至今
尙未估修現奉鈞諭可否每年由縣籌款交由直隸代守一節
在直隸爲隄工起見原屬無分畛域但滑縣地方人民擔負太
重近歲支應兵差辦團防匪剝鉅痛深久已民不堪命若紳等
兩鄉匪患而外加以水患鴻嗷餘生更屬呼籲無門儻再責以
籌款民力實有未逮惟有仍懇上憲恩施酌定歲修專款仿照
直隸辦法派員駐守以專責成則兩鄉數萬生靈固受福無量
即於下游濮陽官隄亦不無裨益似此事同一律在滑民旣免
向隅在直隸亦不能再有煩言紳等再四酌議除此辦法外實
已無策可籌即請轉呈鑒核抑紳等更有請者老安隄工防守

固宜嚴密而現在急宜加修尤爲刻不容緩否則春令已屆桃汛將臨轉瞬之間伏汛即至以數年未修之隄空談防守於事實仍屬無濟爲此並懇據情轉呈迅卽委員勘估趁此春令先行撥款興工增卑培薄核實加修不勝迫切待命之至等情知事等查滑縣老安隄工係自清光緒十二年間發款修築嗣後歷經修培均係請發官款俱有成案可稽該紳等所呈各節尙係實在情形似應援案辦理以順輿情等情局長伏查此項隄埝工關緊要修守防護未便視爲緩圖值此職局工款奇艱而該縣災歉頻仍民力實有未逮合無仰懇垂念工程緊要可否援案令飭財政廳籌撥專款早爲估修以顧工防如蒙俯允再行派員前往詳估應需經費若干另案呈明辦理

三月河務局長陳善同呈省長案查滑縣老安隄年久失修前經派員會縣勘議當將籌議情形呈奉指令老安隄既據查明確係官修民守歷有成案現在殘缺過甚自應亟爲修築以重河務除飭財政廳迅籌專款並咨直隸省長外仰即遴派委員前往將此項隄工切實勘估呈報核辦等因遵即令派任用分局長吳孜蒞赴滑縣會同該縣知事親詣老安隄將應行加培各工逐段切實勘估茲據該印委等勘明繪具圖摺呈覆前來局長詳加查核滑縣老安隄共計工長二千四百五十丈零五尺估需土二萬八千八百九十方零四分每方連搬礮工合洋三角五分共合銀洋一萬零一百一十一圓六角四分又委員司事薪津以及兵丁夫役飯食一切雜支約需銀洋一千二百

圓共約銀洋一萬一千三百一十一圓六角四分局長伏查此項隄工事關兩省防維至爲重要苟非趕緊興築實不足以禦黃流該印委等勘明委係情形喫重必須修治之工估需工款亦經一再查核並無浮冒惟該項工程係屬特別發生不在職局預算範圍以內且預算經費迭經核減頻年欠發尤多平時已有停頓不行之勢萬難籌茲鉅款自應呈請鑒核咨請大部核飭照撥以濟工用惟本年春令較早現已節近清明該款若俟輾轉請撥深恐曠日持久坐失機宜致滋貽誤況迭據該縣紳民以該處旱荒特甚顛沛流離不堪言狀環請迅速撥款興修以工代賑並據委員吳孜勘估回省面稱前情局長再四思維不得不先其所急擬請由職局工款內設法騰挪趕行修築

一俟部覆核飭籌定再將該款撥還以免延誤再此次估用土方係照現時土塘遠近酌定價值設將來取土偶有變遷方價如應增減自當助明情形據實造報以昭核實

四月河務局長陳善同呈省長案奉訓令據財政廳呈稱奉令籌撥滑縣老安隄經費等因查此項隄工關係兩省安危既經該局派委會縣查明籌款興修固不容緩無如庫儲支絀工款奇艱未能按期撥發若再另籌專款實屬無此財力再四思維惟有移緩就急擬請在職廳欠撥河務局十年度石方價銀洋五萬餘圓內酌提此項修築經費仍由該局派員勘估應需若干如數發給以濟要工等情除指令外如擬辦理合行令仰該局遵照等因查滑縣老安隄工昨經派委會縣切實勘估約需

豫江雜志 卷十八
銀洋一萬一千三百餘圓當以此項工費不在預算範圍以內
應由財政廳籌撥現款興修惟靜候撥付專款深恐曠日持久
坐失時機致滋貽誤即經咨請財政廳暫由欠撥十年度石方
價五萬餘圓內填送滑縣一萬二千圓撥款通知書先行就近
移撥老安隄工費以便及時興修並已呈明在案現已節屆清
明應辦土工正宜趁此農隙著手興辦而前項通知書尙未准
填送到局實難再事遲延茲奉前因除咨請財政廳迅即飭填
外理合呈請轉飭該廳務將滑縣應撥十年度石方價一萬二
千圓從速填具撥款通知書咨送過局俾便先行移撥早日動
工

七月河務局長陳善同呈省長查本年培修滑縣老安隄工節

等冒險從公異常勤苦實與尋常修隄不同合無仰懇咨請大
部轉呈可否准照異常勞績從優酌保以資鼓勵

將籌辦情形呈蒙核咨照辦嗣將承修監修委員姓名暨興工日期列摺呈報並聲明據該承修趙士有等函稱該工形勢與原估稍有變通已派員復勘明確令飭按照現在情形集夫興築各在案旋據前滑縣知事張士衡承修委員趙士有陳慶明等呈報於四月二十八日興工六月二十日工竣比照原估多用土三千餘方繕摺呈請委員驗收等情隨令委任用分局長易謹身前往驗收茲據呈稱馳抵滑縣會同承修各員親詣工次按照新修段落逐段量驗土方丈尺一律豐足錐試均無滲漏修築甚爲合法委無草率偷減虛鬆情弊等情除飭承修各員出具保固切結並將修培隄工段落丈尺及支用款項繪具圖說並計算書據呈送核明另案呈報外伏查此項隄工事關

兩省防維至爲重要前奉令飭派員勘估並迭據該縣以據縣屬十六區紳民呈稱老安隄年久失修危險異常環請撥款修築以工代賑等情查所呈係爲防患救荒起見自難視爲緩圖當赴救災會討論雖賑款請而未撥幸蒙鈞座垂念工需緊要飭經財政廳由職局工款內先行設法照數籌撥得以及時舉辦實於工程民生兩獲其益惟當工興之際正值匪氛猖獗之時出沒無常肆行搶掠該工距縣城九十餘里道里梗塞運送款項在在堪虞當派職局黎長黎士安前往借撥該縣武裝警察到工駐紮以壯聲威並會同承修員陳慶明等相機策應激厲人夫分頭趕辦胼胝經營時與匪遇幾瀕於危今幸全工告竣災民既免其流離河隄則永資鞏固實非初料所及該科長

政濟橋案

民國二年十月河南河防局長馬振濂呈民政長竊查武陟縣東關沁河向有橋梁一道夏拆冬修每年由前河防公所在公款內發給歲修九四庫平銀三百兩由武陟主簿承領修築前因主簿裁撤該橋旣在沁河地面當即令飭武陟支局接收經管現在該支局歲修經費業經呈准由武陟縣就近撥給惟此項橋工原不在該支局歲修經費之內自應仍由本局請領轉發刻下霜清將屆河水生寒亟應修理該橋以資利濟茲據該支局呈請核發該項銀兩前來所有武陟沁河橋工歲修九四庫平銀三百兩按七二折合銀洋四百一十六圓六角六分六釐理合呈請鑒核飭司照撥再此項修繕需費不及五百圓且

憐民病涉歷年冬季修理有案與新發生之建築不同故無庸開列書表送請審計分處審查

是月河南民政長張鳳臺指令河防局案據該局呈領武陟縣東關沁河橋梁歲修九四庫平銀三百兩折合銀圓四百一十六圓六角六分六釐請即飭司照撥等情查河工工程經費前經財政部核定每年定爲五十二萬二千八百六十四圓經常臨時各費統行包括在內業由署列表令知在案茲據前情此項歲修用款九四庫平銀三百兩自應即在部定數內核支除令飭財政司管庫員如數支發外合即令該局派人赴司請領並將支銷數目歸入河工歲修一併造報

民國四年九月河南河防局長呂耀卿詳巡按使據武陟縣知

事朱作相詳稱據沁工公所正所長王崇禮詳稱竊查武陟縣東關政濟橋向係夏拆冬修客歲修橋事宜歸沁工公所經理竭蹶以圖幸未貽誤本年秋令已屆築橋一事轉瞬即宜籌備其中窒礙情形不得不縷晰陳之以求變通之道查政濟橋向係舊曆九十月間修築而分赴四鄉採購木料僱車載運八月中間即須著手臨時購青梢收秬稽招集船隻督察夫工在在需人分段各負修守之責所長既未便工次久離奔走河干督率巡防又不敢顧此失彼若事事仰賴他人非特經費多耗深恐辦理未當且時屆十月又須購辦新料以裕工儲雙方經營勢難兼顧若不設法變通萬一彼此兩誤所長等實不敢當此重咎因思政濟橋工昔年曾歸公義局管理公義局現更名公

款局凡公益事項均在範圍之內若將橋工改歸該局經理實屬兩有裨益又據縣紳朱炳文等聯名稟稱沁河自西徂東至武陟縣境繞城西北隅南折入黃每屆嚴冬冰堅人民病涉前河憲軫恤民艱歲發款銀三百兩修築橋梁以濟行人百餘年來至今稱便惟款項限制未經擴充一遇伏汛河水陡漲則橋梁湮沒水落則淤淺成灘人民過渡深以爲苦因延工師相度河勢估計工程如能延長橋路改用粗樁水面加高地下加深則根基堅固縱有悍溜激湍可不虞其撼動較之歲歲修築年年漂沒其勞逸固不可以道里計無如款項浩大創始維艱如准預支五年歲修之款則購料興工可以立就儻或庫款支絀一時不能挹注紳等擬就地貸款從每年歲修項下分年償還

仍責成沁工公所承修儻仍不敷用紳等情甘幫辦一切以襄義舉似此一轉移間於公家款項毫無出入而交通便利商民已蒙莫大之福如蒙允准立案俾得貸款興修改良橋政將來落成有期無論盛夏嚴冬渡水如履平地各等情知事覆查政濟橋歲修經費向係按年請領該紳等擬改建長橋預領五年之款仍歸沁工公所承辦各紳襄理惟工程款較鉅非知事所敢擅專等情查此項橋工前歸武陟縣主簿領款修築民國二年河工改章以來先後改歸前武陟河防支局及武陟沁工公所管理每年額定歲修經費九四庫平銀三百兩合銀洋四百一十七元列入預算在案該橋地居孔道人民車馬終日往來每年夏拆冬修殊多病涉若能鞏固根基用垂久遠自是一勞永

逸之計惟預算支款均有指定用途該紳等擬請預支五年橋工歲修之款爲數過鉅未便照准至所稱就地貸款從歲修項下分年償還一節橋工既可擴充公款並無出入一舉兩得尙屬可行理合據情詳請立案

民國五年七月河防局長呂耀卿詳省長竊查興修武陟縣政濟橋工擬就地貸款分年償還一案業經詳准轉飭興修嗣據該縣轉據沁工公所所長王崇禮詳稱前項橋工於五月十五日一律完竣計共用銀洋二千六百三十五圓一角三分二釐除領到政濟橋四年份歲修經費四百一十六圓六角六分六釐外計不敷銀洋二千二百一十八圓四角六分六釐業經商同公款局商務會各紳董借用發當生息錢一千六百串文同

善社錢一千四百串文共三千串按一三五合銀洋二千二百二十二圓二角二分二釐暫爲彌補除支尙存銀洋三圓七角五分六釐以備小有修補之需所貸各款應遵照詳准之案從每年歲修項下分年償還等情當經批飭該縣就近驗收茲據詳稱遵於六月二十七日親往政濟橋逐一查驗委係工堅料實並無草率偷減情弊等情職局長覆核無異理合詳請核銷民國九年十二月河南河務局長吳箕孫呈河南全省賑務處案奉訓令據武陟縣知事呈稱據閭邑紳民王夏珍等呈稱本年豫北一帶亢旱爲災糧價飛漲武陟境內雖非顆粒未收而平均計算不過三成有零民生困苦現已不支今冬明春爲日方長預計前途深堪憂慮前蒙督憲省憲呈奉政府並籲懇各

慈善團體妥籌以工代賑之法意美恩深至爲感激惟念賑款至重既須惠及災民而建築工程亦須與地方有切要關係者方不負籌濟之苦心武陟縣城濱臨沁河東岸木藥店鎮居民稠密爲全境商務薈萃之區彼此相距不過一二里許若能聯絡一氣庶事自易於進行徒以一水中流交通阻隔雖歷年霜清以後由省庫撥款架搭木橋稍資便利次年夏令水發拆去稍遲輒被衝沒行人既多不便而當河水盛漲之時舟小水大危險尤不可勝言祇以地方貧苦無可爲計民國四年紳民公議籌借款項改修高大木橋三年之內兩被衝壞糜款甚多毫無裨益至今引爲憾事若乘此時機建一石橋或鐵橋估計工程亦不過數萬餘圓如能成立既可保全災民無數生命並爲

地方建一勞永逸之大工一舉兩得事莫有善於此者紳等再
四籌商多數贊成謹擬石料工程預算表呈請察閱代呈省憲
派員覆估撥款興辦等情查沁河政濟橋爲縣城與木欒店交
通要道亦爲各縣東西往來通衢是以歷由河務局年給歲修
費銀三百兩築於冬令毀於夏時損耗國庫實已不可勝數該
紳等擬請改建石橋以工代賑爲地方謀永久交通爲國庫省
無限耗費而又拯救無數貧民生命實屬一舉而數善兼備即
揆之以工代賑之義亦屬相符理合據情呈請鑒核委員覆估
等情合亟令仰該局妥爲查勘該河建築石橋於河務有無妨
礙呈復核奪等因查沁河工長險鉅漫決時虞關係民生至爲
重要該紳民等請將沁河木欒店建築石橋以工代賑自係爲

拯濟災黎起見而於河勢情形尙未深悉近年沁河河身日形淤墊入黃之處黃河頂托宣洩已不如前且木欒店適居沁河尾閘正在兜灣處所每遇山洪暴漲勢如建瓴浩瀚奔騰異常洶湧如橫巨石橋勢必擋溜擁擠爲患更何堪設想前者黃河建築鐵橋流量立見減縮水勢時虞擡高險要環生至今莫已如果沁河再建石橋莫論有無的款其危險情形殆有甚於彼者似應無須改築致礙工防職局長悉心體察利害相衡初不忍以荒旱之餘再有其魚之歎理合呈請鑒核

民國十三年九月東沁河務分局長鄭有瑋呈河務局查武陟東關政濟橋向由分局承辦夏拆冬修歷有年所本年七月分局長接任之次日沁河即行漲發半日之間長水四尺二寸溜

勢猛悍橋梁未及拆落全橋衝沒業經呈報在案伏查該橋歲修經費僅有四百一十六圓六角六分七釐原以每年夏季拆落時即將木料妥爲存儲留備冬季搭橋之用雖有損壞所添無幾故能敷衍載事本年水勢過大所有木料盡行衝沒僅存椿木二十餘根自非全數添購不足以資應用惟近來木料奇昂價值增加不止倍蓰況此項橋工向係夏曆十月十五日前後落成稍或愆期指摘叢集分局長職責所關深用惶急現經飭匠估計應需木料等項以及夫工費用共需銀洋一千一百八十六圓一角五分四釐除應領歲修經費銀洋四百一十六圓六角六分七釐外尙不敷七百六十九圓四角八分七釐徒以期限所迫不能不先事預籌茲謹繕具估摺呈送鑒核其不

敷之款擬懇設法籌撥若以事關地方公益且在行政範圍以內抑或飭由武陟縣就地方捐集以資辦理之處伏乞憲鑒指令遵行是月三十日奉指令查政濟橋工經費每年預算規定銀洋四百一十六圓六角六分七釐向於霜清前後領款修搭以資利濟歷經辦理在案現值修搭之時該分局長以本年水大橋梁衝沒估計於原預算數動支外尙不敷七百餘圓刻下本局庫空如洗實屬無法代籌若於原預算外呈請追加更覺難以辦到惟事關地方公益武陟縣署能否就地籌捐以資補助仰即就近會商該縣知事核實辦理

十四年六月東沁分局長鄭有璋呈河務局查武陟縣東關政濟橋工在前清時係由河工主簿經管嗣以主簿缺裁改由沁

工公所修搭爾時官督紳辦此項橋工本在地方行政範圍以內民國八年東沁分局成立界限未經畫清遂至一併接收相沿以來因木料便宜尙能敷衍辦理詎至去年七月分局長接任之次日河水大漲致將橋梁木料一並衝沒當經呈明在案秋季搭橋偏值木價昂貴之際分局長再三竭力搏節辦理尙不敷銀洋一百七十餘圓雖經呈請備案而憲局以超過預算原額礙難呈請追加又無另款可籌未蒙核准該縣公款局亦明知橋工經費不敷開支而以職責所在竟至無人過問獨於橋梁之寬窄修搭之遲早稍有不合指摘叢集不惟虧累不堪抑且麻煩殊甚分局長伏查此項橋工原爲利濟行人起見係屬地方公益且在行政範圍以內況渡口船隻即由該縣公款

局管轄橋工事體相同若能一手經理尤爲正當辦法分局長職任修防斷難兼顧且搭橋拆橋之際均在工程喫緊之時稍有貽誤罪責非輕擬懇俯念困難情形據情轉請省長逕飭武陟縣將此項橋工改歸公款局經管以專責成而免賠累是月五日奉指令查政濟橋工因關沁河水利在前清時代即係官爲修守嗣沁工公所成立名雖紳辦其經費則仍由國庫擔負本不入地方行政範圍故自沁工改由官辦以來此項橋工亦即隨同移轉其歲修經費歷經列入河工預算習慣相沿閱時已久設非地方人民自願請歸辦理則成案具在安能遽語變更該分局長職責所在仍應恪遵舊章妥慎辦理勿因事涉艱難率請更張以致牽動全案仰即知照